

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj 65 0 L 1174010 26 L 2
Sarajevo, 10.06.2026. godine

Općinski sud u Sarajevu, sudija Emina Čaušević, u likvidacionom postupku nad pravnim licem Izdavačka kuća "ALEF" Bošnjačkog instituta d.o.o. Sarajevo, sa sjedištem u ulici Bašeskije broj 21, Sarajevo na ročištu održanom dana 10.06.2026. godine. donio je sljedeće

R J E Š E N J E

1. Zaključuje se likvidacioni postupak nad pravnim licem Izdavačka kuća "ALEF" Bošnjačkog instituta d.o.o. Sarajevo, sa sjedištem u ulici Bašeskije broj 21, Sarajevo.
2. Razrješava se dužnosti likvidatora Enver Baždar, Sarajevo.
3. Po pravosnažnosti ovog rješenja, navedeno pravno lice brisat će se iz registra Općinskog suda u Sarajevu, koje je upisano u matični broj subjekta 1-15379.
4. Ovo rješenje će se objaviti u "Službenim novinama Federacije BiH".
5. Troškovi likvidacionog postupka padaju na teret predlagača.

O b r a z l o ž e n j e

Rješenjem ovog suda broj 65 0 L 1174010 25 L od 24.02.2026. godine pokrenut je postupak likvidacije nad pravnim licem Izdavačka kuća "ALEF" Bošnjačkog instituta d.o.o. Sarajevo, sa sjedištem u ulici Bašeskije broj 21, Sarajevo.

Oglas o pokretanju likvidacionog postupka objavljen je u "Službenim novinama Federacije BiH" broj 17 na strani 11 od 04.03.2026. godine, kao i na oglasnoj tabli suda, istog dana kada je rješenje i doneseno.

U ostavljenom roku od 30 dana, od dana objavljivanja oglasa niko od povjerilaca nije prijavio potraživanje, pa je sud, imajući u vidu tu činjenicu i nakon izjave likvidatora da pravno lice nema imovine, dugova, niti povjerilaca, odlučio je zaključiti likvidacioni postupak, a u smislu člana 14 Zakona o likvidacionom postupku ("Službene novine" Federacije BiH br. 29/03), te razriješiti likvidatora njegove službe.

Odluka o brisanju pravnog lica u svim javnim registrima koja se ima provesti po službenoj dužnosti po pravomoćnosti ovoga rješenja, donesena je u skladu sa članom 15 istog Zakona, a odluka o troškovima likvidacionog postupka zasniva se na odredbi člana 10 Zakona o likvidacionom postupku.

LIKVIDACIONI SUDIJA
Emina Čaušević

POUKA: Protiv ovog rješenja može se izjaviti žalba Kantonalnom sudu u Sarajevu, u roku od osam dana od dana objavljivanja. Žalba se podnosi putem ovog suda u tri primjerka.